

— **Dictadura y censura** —

E unico planta di television cu Aruba tin ta propiedad di nos pueblo. Sinembargo Gobierno di MEP/PPA/ADN ta sensurando di un manera dictatorial e voz di pueblo for di noticia di Tele Aruba.

Partido AVP y otro gremionan di pueblo no ta worde permiti pa vocifera e dolornan y deseonan di pueblo ariba su propio planta.

ARUBA TE KI DIA E SITUACION DICTATORIAL AKI POR SIGI??

Raymond Maduro:

BAN HACI PRODUCTO TURISTICO MAS INTERESANTE Y NO MAS GRANDI

Apertura en grande di Costa Linda Beach Resort

ORANJESTAD (AAN): Di-asabra a tuma lugar apertura oficial di un otro proyecto di Sun Development, esta Costa Linda Beach Resort.

E gran palanca y e orgullo di nos arubiano cu a muestra cu nos por pa bienestar y adelanto di nos dushi isla di Aruba, na e ocasion aki, Raymond Maduro (presidente) a expresa den tal forma:

Boso ta presenciando e ultimo Timeshare Resort y Hotel di nos Compania. Sun Development ta contento di por a desroya cuatro (4) hotel bunita, simpatico y acogedor.

Nos tur a contribui grandemente na e "planta" di nos isla y sigur nos a yuda nos economia crece durante e ultimo binti (20) añanan aki di nos existencia.

Nos pensamentonan awor ta cu Aruba por lo pronto a yega su limite di camber, y construyendo mas camber di hotel lo por reduci e calidad di nos producto turistico. Pe-

sey, den futuro, nos lo dirigi nos energia riba projectonan pa yuda haci e producto turistico mas interesante y no mas grandi.

Nos ta kere cu Aruba a yega e punto di bai "consolida" tur loke tin. Consolida ta significa: Haci mas firme, mas fuerte y mas solido locual nos tin caba. Nos mester percura pa mejora e hotelnan enbez di traha mas hotel.

Conjuntamente nos mester percura pa Aruba keda "One Happy Island" y pa e no bira "One Coney Island". Un ambiente den cual nos por sin sufri envez di disfruta di nos loke nos ta jama progreso.

Sr. Raymond Maduro ta sigui cu un ejemplu especifico:

- Nos mester update y mejora e condicionnan y entrada di nos ciudadanonan door di maneja nan mihor y siña nan con pa duna un mihor servicio y ser mas productivo.

Akinan mi ta referi, no solamente na e sector hotelero, pero tambe na e servicionan

di tienda, restaurant, y hasta na e servicionan di gobierno.

E cliente, y e ciudadano, ta dispuesto pa paga un poco mas, si servicio ta excelente.

E empleado na su turno tambe lo goza di e valor mas halto cu ela crea, y asina hisa e nivel di entrada.

- Nos tin cu mejora e condicionnan social di nos hendenan cu por ehempel fondonan di pensioen. E aspecto social mester bai pareew cu e crecimiento economico.

- Nos mester traha pa preservar e poco ecologia y ambiente natural cu nos tin door di traha conjuntamente cu e gruponan ambiental den un manera habri y cooperativa.

- Ban educa nos hendenan door di stimulan pa sigui studia y specializa nan mes.

- Eleccion ta dilanti porta, y nos ta haci un apelacion na nos politiconan pa no priminti solamente loke ta "dushi", pero tambe loke ta necesario.

- Ban percura pa nos por disputa di nos exito y pa nos no

bira victima di dje.

- Ban pensa awor "a largo plaso". Ban waak con Aruba lo ta aki 5 pa 15 aña y kico nos como lidernan por haci pa e keda placentero.

Sr. Maduro finalmente kier a gradici tur hos hendenan cu a juda Costa Linda habri. Na tur esnan cu a contribui pa Costa Linda bira un lugar caminda por traha contento. Pasobra nos anhelo ta pa nos hotelnan no ta solamente un lugar pa turista goza, pero tambe un lugar caminda nos hendenan por traha contento, desaroya nan mes y un lugar cu nan y nan famianan por ta orguyoso di dje.

Frecuentemente Sr. Maduro ta worde puntra: "Con boso a logra desaroya cuatro (4) hotel y nan tur ta funciendo bon?" Su contesta tabata simpel: Cu un tremendo team di hende trahando entusiasmo y progresivo.

Si bo kier sa ken nan ta, djies waak rond di bo, hopi di nan t'aki awe, y bo ta reconoce nan facil. Nan tur tin un sonrisa riba nan cara "Sunsational".

Sun Resorts, damas y caballeros, un lugar excelente pa bo progresa.

Danki na boso tur akinan awe, cu den un forma of otro a contribui na nos exito.